

... Ամէն կողմից մեզ շրջապատել է թուրքական վտանգը, սպառնա-
կան և յանդուգն. մեր քաղաքական ծրագրին հակառակ թուրքիան առաջ է
տանում իր ծրագրները Հայաստանի վերաբերմամբ, որոնց մէջ Հայ տարրի
Ֆրիդրիքական բնաջնջումը էական և հիմնական կէտն է հանդիսանում, և մենք
ոչինչ գրաւական և վստահութիւն չունենք, թէ անգլիական զորահրամանա-
տարութիւնը ցանկութիւն ու կարօտութիւն ունի մեզ փրկելու այդ վտան-
գից, որը, կրկնում եմ ու պնդում. — այսօր էլ իրական է և սպառնական
ոչ պակաս, քան ամիսներ առաջ:

Բրիտանական զորահրամանատարութիւնը արգելեց մեզ գրաւել Հա-
յաստանում որոշ կարևոր վայրեր, կարևոր թէ ստրատէգիական, թէ ռազ-
մամթերքի (Կարսի պահեստները) տեսակէտով. այդ բոլորը մնաց թուրքերի
ձեռին. մեր քայլերն ու ընթացքը կաշկանդւած են, թուրքերին՝ ազատ.
մեզ օգնող չկայ, թուրքերին աջակից են և ղեկավար թուրքիան իր օֆիցէր-
ներով (նոյնիսկ բարձրաստիճան), ռազմամթերքով և ռազմական ամէն
տեսակ գործիքներով...

Կառավարութեան կողմից ձեր յատուկ ուշադրութիւնը հրաւիրելով
այս փաստերի և հանդամանքների վրա՝ խնդրում եմ, որ ամենալուրջ
դիմումներով ում հարկն է աջողեցնէք, որպէսզի.

1) Անդրկովկասից և թուրքիայի նախկին վիլայէթներից հեռացնեն
չուտափոյթ թուրքական ուժերն ու զորականները սպառնալով, որ այդ
ուժերի կողմից որևէ գինւած գործառնութեան դէպքում պատիժ և պա-
տասխանատուութիւն կը կրի թուրքիան:

2) Թէկուզ փոքր զորամասեր (անգլիական, ֆրանսիական, ամերի-
կեան) ուղարկեն Տրապիզոն—Էրզրում—Սարիղամիշ—Կարս—Նախիջևան
Ձուլֆա—Շուշի. Կարսում և այլ տեղերում եղած անգլիական զորախմբերը
դէմօքբիլիզացիայի են ենթակայ և հեռանում են):

3) Աջակցեն մեր զորքերի կազմակերպմանը և սպառազինմանը (փամ-
փուշտ, հրացան, գնդացիք...):

4) Հայաստան փոխադրեն Հայ զորամասերին և զորականներին զանա-
զան երկրներում ներկայումս գտնուող՝ օժտելով նրանց հարկ եղած ռազմա-
կան միջոցներով և նիւթերով:

Այս մասին Ձեզ նաև հեռագրում ենք՝ խնդրի ստիպողականութիւնը
աչքի առաջ ունենալով»:

Իսկ խնդիրը, իրօք որ, ստիպողական էր: Հայաստանը խեղդւում էր՝
կծկւած նեղ լեռներում ու ձորերում: Գարունը վրա էր հասնում. պէտք էր
գաղթականութիւնը վերադարձնել իր տեղերը, ցանքս անել յաջորդ տարւայ
համար, կառավարութիւնը ազատել խնամատարի ու որբապահի դերերից:
Այդ էր պատճառը, որ հայկական ներկայացուցիչները ուժակոծում էին
դաշնակիցներին հեռագրներով ու յուշագրերով՝ պահանջելով անմիջական
կարգադրութիւն Հայաստանի սահմանների ընդարձակման համար:

Ապրիլ ամսից սկսած, Անդրկովկասի անգլիական հրամանատարութեան
քաղաքականութիւնը զգալի կերպով փոխւեց յօգուտ հայերի, և Հայաստանի
սահմանների ընդարձակման խնդիրը ստացաւ նոր մղում: Հայկական կառա-
վարութեան և անգլիական բարձր հրամանատարութեան համաձայնու-